



SLUŽBENI GLASNIK

OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina LIII - Broj 2 Petak, 06.03.2020.godine T E Š A N J	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
---	--	--

Na osnovu člana 14. Statuta Općine Tešanj ("Službeni glasnik Općine Tešanj" broj 11/07), člana 22. Poslovnika o radu Općinskog vijeća Tešanj ("Službeni glasnik Općine Tešanj" broj 3/18), Općinsko vijeće Tešanj na svojoj 36. sjednici održanoj dana 28.02.2020.godine, donosi

ODLUKU

o izmjeni i dopuni Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj

Član 1.

Ovom odlukom vrši se izmjena i dopuna Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj ("Službeni glasnik Općine Tešanj" broj 4/18), te se mijenja član II. stav 6. i glasi:

„- Da ispunjava uslove u pogledu stručne spreme, kako slijedi:

- Statutarno – pravna komisija - svi članovi treba da imaju visoku stručnu spremu VII stepen, pravni smjer.
- Komisija za monitoring nad realizacijom Strategije razvoja Općine Tešanj - svi članovi treba da imaju visoku stručnu spremu VII stepen, smjer ekonomija, privreda ili tehnički smjer.
- Komisija za budžet - svi članovi treba da imaju visoku stručnu spremu VII stepen, ekonomski smjer.
- Komisija za praćenje primjene kodeksa ponašanja vijećnika i javnosti rada Vijeća – članovi sa minimalno IV stepen školske spreme, sa obavezom da jedan član komisije ima visoku stručnu spremu VII stepen, pravni smjer.
- Komisija za pitanja mladih i ravnopravnost polova - članovi sa minimalno IV stepen

školske spreme tehničkog ili prirodnog smjera, sa obavezom da jedan član komisije ima visoku stručnu spremu VII stepen društvenog ili tehničkog smjera.

- Komisija za zaštitu čovjekove okoline - članovi sa minimalno IV stepen školske spreme tehničkog ili prirodnog smjera, sa obavezom da jedan kandidat bude visoka stručna sprema VII stepen, smjer zaštite okoliša, ekologije ili dugi tehnički smjer...“

Član 2.

U članu V na kraju prvog stava dodaje se zarez i tekst koji glasi: „koja će dokaz iz člana II stav (1) tačka 1. i 2. provjeriti po službenoj dužnosti, a dokaze iz člana II stav (1) tačka 3., 4. i 5. kandidati će dati u formi izjave koja se nalazi na obrascu iz člana IV.“

Član 3.

U članu VI na kraju teksta dodaje se četvrti stav sa sljedećim tekstom:

„Mandat članova radnih tijela imenovanih od aktuelnog saziva Općinskog vijeća traje koliko i mandat Općinskog vijeća, odnosno do imenovanja novih radnih tijela od strane novog saziva Općinskog vijeća.“

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N. Subašić, s. r.

Broj: 01-02-1-776-20/18

Datum: 05.03.2020. godine